

# **REFERAT SAA- Sanarfinermut Avatangiisinullu Ataatsimiititaq d. 04-11-2019**

**Mødedato** Mandag d. 04. november 2019 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Sanarfinermut Avatangiisinullu Ataatsimiititap 2019-imi politikkikkut ataatsimiiffissai.....	8
Suliat Aningaasaqarnermut Inuussutissarsiornermullu Ataatsimiititamut.....	11
1C16-2 Kissarneqqortuunnguaq, Nuuk pillugu siunnersuut.....	12
§32 naapertorlugu immikkoortup ilaani 1A5, Tuapannguit, Nuuk inerteqquteqarnissamik siunnersu	16
Inaarutaasumik aalajangiineq - Kommunimut pilersaarummut tapiliusseq 1C6-2 Nuummi Naasuern	20
Inaarutaasumik aalajangiineq - Kommunimut pilersaarummut tapiliusseq 1C4-3, Sipisaaq Avannarle	24
Inaarutaasumik aalajangiineq - Kommunimut pilersaarummut tapiliusseq 1C24-3 Nuukullak Manni	28
Taasariaqartut allat.....	32
Suliat matoqqasut.....	33
Lukket.....	34
Imaqarniliap akuerineqarnera.....	35

# **Punkt 0: Saqqaa**

## **Ilaasortat**

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Lund Kuko (S)

## **Beslutning**

Najuuttut: Justus Hansen (D) aamma Mala Høy Kuku (S)

Oqarasuaatikkut: Charlotte Pike (IA) aamma Lund Kuko (S)

## **Punkt 1: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput

## **Punkt 2: Nalunaarutit**

2. Siulittaasup nalunaarutai

### **Beslutning**

1. Ingerlatsiviup allaffeqarfik suleqatigalugu Paamiuni ingerlatsiviup peqataatinneqarnerata erseqqinnerunissaa misissorpaa.
2. Ukiuni tulluuttuni marlussunni Paamiuni aputaajaasarneq pillugu isumaqatigiissutit inissinneqaqqammerput – aput kisimi amigaataalerpoq.
3. Nuummi immikkoortukkuutaamik katitigaasumik ukioqatigiinngitsunut meeqperiviliornissaq suliariumannittussarsiuunneqaqqammerpoq. Suliariumannittussarsiuussinermi ABC- pavilloner ajugaasuupput, maannalu suliarinnittussanik isumaqatigiissusiorneq sulissutigineqaleruttorpoq Nuummi meeqperivinnik ataatsimik marlunnillu nappaanissamat. Neriutaavorlu taakkua qaammatit 8 - 10 ingerlanerini napparneqarnissaat – siulleq ASK-ip akiatungaani, aappaalu Nuussuarmi arsaattarfiup eqqaani imaluunniit Nuup arsaattarfiata ungasinngisaani.

## **Punkt 3: Ilisimatitsissutit**

Soqanngilaq

**Beslutning**

Soqanngilaq

## **Punkt 4: Aalajangiiffigisassat**

## **Punkt 04A: Sanarfinermut Avatangiisinullu Ataatsimiititap 2019-imi politikkikkut ataatsimiiffissai**

### **Beslutning**

Immikkoortoq kinguartinneqarpoq

### **Bilag**

Ilanngussaq 1 - 2020-mi politikkikkut ataatsimiiffissatut siunnersuutit

# **Sanarfinermut Avatangiisinullu Ataatsimiititap 2019-imi politikikkut ataatsimiiffissai**

Aalajangiiffigisassaq

J.nr.: 01.01-A00-9-19

Suliffeqarfimmut Kiffartuussivik - Kommunaldirektøri Lars Møller-Sørensen / LMS

## **Suliassamik eqikkaaneq**

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2020-mi politikikkut ataatsimiiffissanut tunngasoq una 2020-mi januaarimiit decembari ilanngullugu atuutissaaq.

## **Inassuteqaat**

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- 2020-mi politikikkut ataatsimiiffissanut ullorsiuutissaaq Sanarfinermut Avatangiisinullu Ataatsimiititap akuersissutigissagaa.

## **Suliassamik saqqummiussineq**

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput".

## **Aaqqiissutissatut siunnersuut – suliatigut naliliineq**

2020-mi politikikkut ataatsimiiffissanut tunngasoq una 2020-mi januaarimiit decembari ilanngullugu atuutissaaq.

Qinikkanut Allatseqarfiup Sanarfinermut Avatangiisinullu Ataatsimiititap ataatsiminiinnissai ataatsimiititap ataavartut allat, Aningaasaqarnermut Inuussutissarsiornermullu Ataatsimiititap Kommunalbestyrelsillu ataatsimiinnissaat eqqarsaatigalugit inissippai. Tamatuma saniatigut allaffissornikkut piffissamut killissarititaasut eqqarsaatigineqarput, suliat sapinngisamik sivikinnerpaaq atorlugu suliarineqarniassammata.

Sanarfinermut Avatangiisinullu Ataatsimiititap ileqquusumik ataatsimiittarneri ataasinngornikkut nal. 14.00-imiit ingerlanneqartassasut siunnersuutigineqarpoq. Ukiup ataatsip ingerlanerani ileqquusumik ataatsimiinnerit arfineq-pingasuuassapput.

## **Aningaasatigut sulisoqarnikkullu naliliinerit**

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

## **Inatsisitigut tunngavissaq allakkallu tunngaviusumik uppermarsaatitallit**

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

*Ingerlariaqqinnissaq*

2020-mi politikkikkut ataatsimiiffissat Naalakkersuisunut nassiunneqassapput. (Ilanngussaq 1 aamma 2)

Ataatsimiititat ataatsimiititatut angalasarneri Qinikkanut Allatseqarfimmit ataqatigiissarneqarlunilu suliarineqartarpoq.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

### **Innuttaasunik peqataatitsineq/attaveqaqatigiinneq**

2020-mi politikkikkut ataatsimiiffissat (ilannussaq 1) taamatullu ataatsimiinnerni oqaluuserisassat imaqarnialiallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaanni pissarsiarineqarsinnaassapput.

### **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. 2020-mi politikkikkut ataatsimiiffissatut siunnersuutit

**Punkt 5: Suliat Aningaasaqarnermut Inuussutissarsiornermullu  
Ataatsimiititamut**

## **Punkt 05A: 1C16-2 Kissarneqqortuunnguaq, Nuuk pillugu siunnersuut**

### **Beslutning**

Immikkoortoq kinguartinneqarpoq

### **Bilag**

Ilangussaq 1 - Kommunitut pilersaarummut tapiliussatut siunnersuut, 1C16-2, Kissarneqqortuunnguaq, Nuuk

## **Kommunimut pilersaarummut tapiliussatut siunnersuut, 1C16-2, Kissarneqqortuunnguaq, Nuuk**

Kommunimut pilersaarummut tapiliussamat siunnersuut

Aalajangiiffigisassaq

J.nr: 16.03.01.01-P16-2-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfinnut il.il. pilersitsinissaq periarfissiissutigineqarpoq. Kommunimut pilersaarummut tapiliussami siunnersuummi matumani sumiiffiup pingaarnertut atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussami 1C16-2 siunnersuut akuerineqarnissaa, Nuummi
- siunnersuut akuersissutigineqartoq Aningaasaqarnermut Inuussutissarsiornermullu Ataatsimiititamut ingerlateqqinneqassasoq, sapaatip-akunnerini arfineq-pingasuni tusarniaassutigineqarnissaa siunertaralugu.
- aningaasaqarnermut Inuussutissarsiornermullu Ataatsimitap tamatuma kingorna suliaq Kommunalbestyrelsimut ilisimatitsissutitut ingerlateqqissagaa.

### **Suliassamik saqqummiussineq**

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfinnut il.il. pilersitsinissaq periarfissiissutigineqarpoq. Kommunimut pilersaarummut tapiliussami siunnersuummi matumani sumiiffiup pingaarnertut atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Siunnersuummi immikkoortoq immikkuualuttunut tallimanut agguarneqarpoq, tassani immikkoortunut C & E-mut sukumiisumik aalajangersakkat nutaat nassuiaasersorneqarput. Immikkuualuttut A, B & D-nut tunngatillugu aalajangersakkat pioreersut atuuttut nuunneqarput, taamaaliornikkut immikkoortumut pilersaarummut ataatsimut ataatsimoortinneqarput.

Immikkuualuttoq C: Siunnersuummi B-1198-ip toqqaviani nutarterinissamat periarfissanitsitsivoq (KNR-itoq), taamaalilluni sanaartorfissanut atugassiissuummi quleriit 5-it tikillugit nutaanik sanaartorfissamik pilersitsisoqarsinnaavoq.

Immikkuualuttoq E: Siunnersuummi ilaqutariinnut ataasiakkaanut illut pioreersut akornanni sanaartorfissanik atugassiisoqarpoq, taamaalilluni alliliinissamat periarfissaqalerluni. Taamaattorli,

nuna apeqqutaatillugu, illup ataatsimut toqqavia 150 m<sup>2</sup>-it, quleriit 1 ½-it, naqqup-ilualu atorlugu, qaangersimassanngilaa.

Pilersaarummut siunnersuummi aamma Børnehjemsvejip Kissarnejqortuunnguullu akornanni aqquusernit atorunnaarsinneqarnissaat siunniunneqarpoq. Taamaaliornikkut aqquutit, pingaartumik pisuinnarnut sikkilinillu ingerlasunut immikkoortumiittunut timersortarfiliartartunut toqqissisimanarnerulissasoq nalilerneqarpoq. Saniatigut Børnehjemsveji sinerlugu najugaqartunut pitsaanerulissalluni, maannakkummi aqqusineranut ungasissusissamat piomasaaqatit naammassineqarsinnaanngimmata.

Nutaamilli aqquserniorneq misissuiffigineqaaqqaartariaqarpoq, tunngaviusumillu angallaffiit pilersaarutaannut ilanngullugu.

#### *Aaqqiissutissatut siunnersuut – suliatigut naliliineq*

Siunnersuummi Nuup illoqarfiata qeqqani eqiterinissamat periarfissiivoq, saniatigullu illoqarfimmi sanaartukkat atorneqanngitsut nutaaliordfigineqarsinnaassallutik kiisalu illut pioreersut allilerneqarsinnaassapput piffissamat naleqquttunngortillugit.

Immikkoortumut periusissatut akuerineqarsimasunut siunnersuut naapertuuttoq ingerlatsivimmit nalilerneqarpoq, immikkoortumi sukisaarsaarfissanut assigiinngitsunut, ilaatigut ivigaaraasalimmik arsaattarfimmut, atugassiisoqarsimavoq. Pilersaaruserniornermut siunnersuummi sammisassaqaqtitsiniutinut aqqusineeqqap pilersinneqarnissaanut periarfissat attatiinneqarput, taamalu immikkoortumi timersortarfinnut pisuinnaat il.il. aqquutissaat qulakkeerneqarluni.

Siunnersuummi illoqarfiup eqiterneqarnera nangingneqarpoq, maannakkut tamanna immikkuualuttuni eqqaaniittuni ingerlanneqarpoq, taamaalilluni inissianik nutaanik sanaartornissamat periarfissaqalerpoq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq. Qanittuanilu ineriartortitsinissamat pilersaarutiniq arlalinnik peqalereerpoq, taamaattorli aqquuserngit annertuumik ingerlaffigineqarnerminni tunuleriaattoqartarnissaa naatsorsuutigineqarsinnaavoq.

#### *Inatsisitigut tunngavissaq allakkallu tunngaviusumik uppersaatitalit*

Pilersaaruserniorneq aamma nunaminertat atorneqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-imeersoq Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Siunnersuut tamanut tusarniaassutigineqassaaq sapaatip akunnerani arfineq-pingasuni.

#### **Aningaasaqarnermut Allatseqarfimmit oqaaseqaatit**

Soqanngilaq.

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussassatut siunnersuut sapaatip akunnerini arfineq-pingasuni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

## **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. Kommunitumut pilersaarummut tapiliussatut siunnersuut, 1C16-2, Kissaneeqqortuunnguaq, Nuuk

## **Punkt 05B: §32 naapertorlugu immikkoortup ilaani 1A5, Tuapannguit, Nuuk inerteqquteqarnissamik siunnersuut**

### **Beslutning**

Immikkoortoq kinguartinneqarpoq

### **Bilag**

Ilanngussaq 1 - 1A5-imut nunap assinga

## **§32 naapertorlugu immikkoortup ilaani 1A5, Tuapannguit, Nuuk inerteqquteqarnissamik siunnersuut**

Aalajangiiffigisassaq

J.nr.: 16.03.01.01-P16-10-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut innersuussutigaa Inatsisartut inatsisissaat nr. 17, 17. november 2010-meersumi (Pilersaarusiornermut inatsit) immikkoortup ilaanut 1A5 Tuapannguniittumut §32 atorineqassasoq. Tamatumunnga pissutaavoq, ingerlatsiviup naliliinera naapertorlugu kommunimut pilersaarummut tapiliussaq atuuttoq 1A5-2 Tuapannguit, ullutsinnut naleqqukkunnaartoq, aalajangersakkanullu ullutsinnut naleqqukkunnaarsimasunut inissaqartitsinngitsaq.

Ingerlatsiviup innersuussutigaa, Pilersaarusiornermut inatsimmi §32 atorineqassasoq, imalu isumaqarluni, sanaartornerit tamarmik nunaminertanillu atuinerit unitsinneqassasut akuersissuteqarnermiit ukioq ataaseq tikillugu, aammalu ukiumi tassani kommunimut pilersaarummik nutaamik akuersissuteqartoqassasoq.

### **Inassuteqaatit**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- immikkoortup ilaanut 1A5-imut pilersaarusiornermut inatsimmi § 32-p atorineqarnissaa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassatut ingerlateqqinneqassasoq
- tamatuma kingorna Aningaasaqarnermut Inuussutissarsiornernermullu Ataatsimiititap suliaq Kommunalbestyrelsimut inaarutaasumik aalajangiussassanngorlugu ingerlateqqissagaa

### **Suliassamik saqqummiussineq**

Sanarfinermut Avatangiisinullu Ingerlatsiviup nalilerpaa immikkoortup ilaanut 1A5-imut kommunimut pilersaarummut tapiliussaq atuuttoq pisoqalisimasoq, taamaattumillu ullutsinnut naleqqukkunnaartoq. Tamanna tunngavigalugu innersuussutigineqarpoq, kommunimut pilersaarummut tapiliussamik nutartikkamik suliaqartoqassasoq, immikkoortup siunissami atorineqarnissaanut nutaamik aalajangersagartallimmik. Tassani nutaamik sanaartukkanut, allilerinernut illunullu pioreersunut ilassuteqaatinut malittarisassaliorortoqassaaq, aammalu kioskit assigisaallu tamaanniittut pillugit sukannersumik aalajangersaaffigineqassallutik.

Ingerlatsiviup innersuussutigaa Pilersaarusiornermut inatsimmi §32 atorineqassasoq, imalu isumaqarluni, sanaartornerit tamarmik nunaminertanillu atuinerit unitsinneqassasut akuersissuteqarnermiit ukioq ataaseq tikillugu. §32-p atorineqarnissaanut atatillugu piumasaaqatigineqarpoq Kommuneqarfik Sermersooq ukiup ataatsip iluani immikkoortumut kommunimut pilersaarummut tapiliussamik nutaamik suliaqassasoq. §32 atorlugu qulakkeerneqassaaq, immikkoortumut nutaamik pilersaarusiornermi siunertarineqartunut

naapertuutinngitsunik pilersitsisoqannginnissaanik, aammalu nunaminertamik atuinermi immikkoortumi atuuffiit pioreersut eqqarsaatigineqarnissaat.

§32 immikkoortumut taamaallaat ataasiaannartumik atorneqarsinnaavoq.

#### *Aaqqiissutissatut siunnersuut – suliatigut naliliineq*

Ingerlatsiviup nalilerpaa, maannakkut pilersaarut ullutsinnut naleqqukkunnaarsimasoq, maannakkullu ajornartorsiutigineqartunut attuumassuteqanngitsaq. Assersuutigalugu illoqarfiup ilaanut pilersaarummi allassimavoq, illut quleriillit 1½-nit portunerussanngitsut aammalu tunngaviatalu angissusia 110 m<sup>2</sup> qaangissanngikkaa. Illut amerlaneri aalajangersakkanik annertuumik qaangiinikuupput, taamaattumillu immikkoortoq aqukkuminaallisimalluni.

Immikkoortoq pilergineqartorujussuanngornikuuvoq, illoqarfimmut qanittuugami isikkivigillunilu. Immikkoortoq aamma illoqarfiup ineriartoqqinnissaanut suli qitiusumik inissisimalernikuuvoq, inissimanermigut Nuutoqqap illoqarfillu pingaarnersaata nutaaliaasup akornanni. Kommunimut pilersaarummut tapiliussami nutaami aalajangersagaqassaaq, illoqarfimmi illut oqaluttuarisaanerannik eqqarsaatiginnittumik, peqatigitillugulu nutaaliaasumik ullutsinnullu naleqquttumik illuliat inissaqartinneqassallutik.

#### *Aningaasatigut sulisoqarnikkullu naliliinerit*

§32 atorneqarneratigut nutaamillu kommunimut pilersaarummut tapiliussamik suliaqarnissaq aningaasatigut kinguneqassanngilaq.

#### *Inatsisitigut tunngavissaq allakkallu tunngaviusumik uppersaatitalit*

Pilersaarusionerq aamma nunaminertanik atuneq pillugit Inatsisartut inatsisaat nr. 17 ulloq 17. november 2010-meersoq aamma Inatsisartut inatsisaat nr. 34, 9. december 2015-imeersoq

#### *Ingerlariaqqinnissaq*

§ 32-mik atuinissamik inassuteqaat akuersissutigineqassappat tamatuma kingornagut ukiup ataatsip iluani Kommunimut pilersaarummut tapiliussamik nutaamik suliaqartoqassaaq, siunissami immikkoortup ilaani 1A5-imi soqutigisanik eqqarsaatiginnittumik. § 32 immikkoortup ilaanut 1A5-mut atorneqassappat kommunip nittartagaatigut nalunaarutigineqarumaarpoq.

#### **Aningaasaqarnermut Allatseqarfimmit oqaaseqaatit**

Soqanngilaq.

#### **Innuttaasunik peqataatitsineq/attaveqaqatigiinneq**

Kommunalbestyrelsip aalajangerneq akuersissutigissappagu, tamanna kommunip nittartagaatigut aammalu Nuuk Ugeaviisikkut nalunaarutigineqassaaq. Aalajangerneq aammalu § 32 atorlugu inerteqquteqarnerup sunaanera pillugu nassuiaat, aamma illunut tamanut immikkoortup ilaaniittunut agguanneqassaaq.

#### **Ingerlatsivinnit allaniit oqaaseqaatigineqartut**

Soqanngilaq.

## **Ilanngussat**

1. 1A5-imut nunap assinga

# **Punkt 05C: Inaarutaasumik aalajangiineq - Kommunimut pilersaarummut tapiliusseq 1C6-2 Nuummi Naasuerniarfusimasup nunataa**

## **Beslutning**

Immikkoortoq kinguartinneqarpoq

## **Bilag**

Ilannussaq 1 - Tusarniaanermut akissutinik suliaqarneq

Ilannussaq 2 - Tusarniaanermi akissutit tiguneqartut.

Ilannussaq 3 - Kommunimut pilersaarummut tapiliusseq 1C6-2 Naasuerniarfusimasup nunataa, Nuukullak, Nuuk

## **Kommunimut pilersaarummut tapiliusseq 1C6-2 Nuummi Naasuerniarfusimasup nunataa**

Inaarutaasumik aalajangiineq

Aalajangiiffigisassaq

J.nr.: 16.03.01.01-P16-17-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussassatut siunnersuummi 1C6-2-mi siunertarineqarpoq immikkoortup ilaani pioreersumi tamakkiisumik pilersitsisoqarnissaa. Tamaani nutaanik inissialiortiternissamut periarfissiisoqassaaq, ataatsimoorfusartussanik pisiniarfinnillu ilallugit.

Nutaamik sanaartorneqarsinnaasut ilagaat inuussutissarsiutit mingutsitsisuuffiunngitsut, eqqumiitsuliortut sullivii, café, pisiniarfiit assigisaallu, inissiat akornanni. Atuuffiit assigiinngitsuunerisigut illoqarfiup ilaa uummaarissoq pilersinneqassaaq ulloq unnuarlu atuuffiusinnaasoq, toqqissisimanermut attuumassuteqarnermullu ikorfartuisoq, peqatigitillugulu illoqarfiup ilaanik eqeersimaarfiusumik illumi ataatsimoorfiit atorluarnerisigut pilersitsisoqarsinnaalluni.

Kommunimut pilersaarummut tapiliusseq sapaatip-akunnerini arfineq-pingasuni tamanut tusarniaassutigineqareerpoq, tassungalu atatillugu ataatsimik tusarniaanermut akissuteqartoqarpoq, allannguuteqartitsinissamut pissutissiinngitsumik.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1C6-2, Nuummi Naasuerniarfusimasup nunataa akuersissutigineqassasoq
- siunnersuut akuerisaq ilisimatitsissutitut Aningaasaqarnermut Inuussutissarsiornermullu Ataatsimiititamut ingerlateqqinneqassasoq
- tamatuma kingorna Aningaasaqarnermut Inuussutissarsiornermullu Ataatsimiititap suliaq Kommunalbestyrelsimut inaarutaasumik akuerisassanngorlugu ingerlateqqissagaa.

### **Suliassamik saqqummiussineq**

Kommunimut pilersaarummut tapiliussassatut siunnersuummi 1C6-2-mi siunertarineqarpoq immikkoortup ilaani 1C6-imi pioreersumi immikkoortumik tamakkiisumik E-mik pilersitsisoqarnissaa. Tamaani illoqarfiup qeqqanut qanittunik inissialiortitertoqassaaq, ataatsimoorfissaliortoqarluni, inuussutissarsiorfinnik pisiniarfinnillu sanaartortoqassaaq.

Kommunimut pilersaarummut tapiliussassatut siunnersuummi sumiiffiup C-tut immikkoortinneqarnera (ataatsimoorfissatut), aammalu tamassuma Nuup illoqarfittut ineriartortinneqarnissaanut pingaaruteqarnera aalajangiusimaneqarpoq. Imaappoq, sumiiffik tamanna ukiuni arlalinni suliffeqarfioerluni suliffeqarfinnik, inissianik sulisoqarfinnillu mingutsitsiffiunngitsunik assigiinngitsunik pilersitsiffiulersinnaassaaq.

Siunnersuummi naasuerniarfiusimasup nunataani sanaartorfissamik nutaamik pilersitsisoqarnissaa siunnersuutigineqarpoq, naasuerniarfiusimasorlu peerneqareerluni.

Sumiiffimmi pilersaarusiortifiusumi quleriit tallimat tikillugit portussusilinnik illuliortoqarsinnaavoq, inini allerni qitiusoqarfeqarluni ininilu qullerni inissiaqarluni. Illuliani nutaani suliffeqarfinnik mikinerusunik aallartitsiffiusinnaasunik initaqassaaq, ininilu allerni suliffeqarfiit ingerlanneqareersut periarfissaqartinneqassallutik. Atuuiffiit assigiinngisitaarnerisigut illoqarfiup ilaa tamanna ulloq unnuarlu uummaarissuutinneqassaaq, toqqissisimanermut attuumassuteqarnermullu ikorfartuutaalluni. Taamaattumik suliffeqarfiit mingutsitsiffiunngitsut, eqqumiitsuliortut sullivii, café, pisiniarfiit assigisaallu, inissiat nutaat ilanngullugit, illoqarfiup ilaani uummaarissumik toqqammaviliissapput illorsuarmi ataatsimoorfiusinnaasut ilanngullugit.

#### *Aaqqiissutissatut siunnersuut – suliatigut naliliineq*

Ingerlatsiviup nalilerpaa, pilersaarummut tapiliussassatut siunnersuut sumiiffimmi illoqarfiup ineriartortinneqarnissaanik kissaateqarnermut pitsaasumik immersueqataaffiussasoq. Inissianik pitsaasunik pilersitsisoqarsinnaavoq illoqarfimmut qanittumiittunik, kiisalu inuussutissarsiorfeqalernissaanut periarfissiisoqassalluni, sumiiffiup tamakkiisumik ineriartortinneqarnissaanut kivitseqataaffiusinnaasunik.

Kommunimut pilersaarummut tapiliussassatut siunnersuut Illuliortaatsimut politikkimi malittarisassatut oqaasertaliunneqartunut naapertuuppoq, tassani pingaartinneqarmat inissianik pitsaasunik qaamanermik atorluaaffiusunik pilersitsisoqassasoq silataanut aqutissagissaartunik.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussap suliarineqarnera immini aningaasatigut kingunerisassaqaqngilaq.

#### *Inatsisitigut tunngavissaq allakkallu tunngaviusumik uppernarsaatitallit*

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aamma

Inatsisartut inatsisaaatigut nr. 34, 9. december 2015-imeersoq aamma kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussap inaarutaasumik akuersissutigineqareernerata kingorna, malittarisassallu taaneqartut malillugit pilersaarut malillugu sumiiffik ineriartortinneqassaaq.

#### **Aningaasaqarnermut Allatseqarfimmit oqaaseqaatit**

Soqaqngilaq

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussaq inaarutaasooq tamanut saqqummiunneqassaaq kommunimut pilersaarummut tapiliussami nittartakkami [www.sermersooq2028.gl](http://www.sermersooq2028.gl)

#### **Ingerlatsivinnit allaniit oqaaseqaatigineqartut**

Soqaqngilaq

#### **Siusinnerusukkat aalajangerit**

*Sanarfinermut Avatangiisinullu Ataatsimiititap ulloq 03 juuni 2019-imi aalajangenera:*  
Inassuteqaat akuerineqarpoq

*Aningaasaqarnermut Inuussutissarsiornermullu Ataatsimiititaq ulloq 27 juuni 2019:*  
Inassuteqaat akuerineqassasoq

*Kommunalbestyrelsip aalajangenera 27. aggusti 2019:*  
Inassuteqaat akuerineqarpoq

**Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut.
3. Kommunimut pilersaarummut tapiliusseq 1C6-2 Naasuerniarfiusimasup nunataa,  
Nuukullak, Nuuk

# **Punkt 05D: Inaarutaasumik aalajangiineq - Kommunimut pilersaarummut tapiliussaq 1C4-3, Sipisaq Avannarleq, Nuuk**

## **Beslutning**

Immikkoortoq kinguartinneqarpoq

## **Bilag**

Ilanngussaq 1 - Tusarniaanermut akissutinik suliaqarneq

Ilanngussaq 2 - Tusarniaanermit akissutit

Ilanngussaq 3 - Kommunimut pilersaarummut tapiliussaq 1C4-3, Sipisaq Avannarleq, Nuuk

## **Kommunimut pilersaarummut tapiliusseq 1C4-3, Sipisaaq Avannarleq, Nuuk**

Inaarutaasumik aalajangiineq

Aalajangiiffigisassaaq

J.nr.: 16.03-P20-5-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussassaaq 1C4-3 naapertorlugu immikkoortup ilaata 1C4-p eqiteriffiginissaanut periarfissaqalissaaq, sisamanik quleriilinnik illorsualiortoqarsinnaalluni.

Immikkoortoq tamanna illoqarfiup qeqqatut attatiinnarneqassaaq, tamaani illorsuit initaat allit illoqarfiup qeqqani atuuttut tungaannut sammissapput, igalaavilu ersarissuussallutik.

Siunnersuummi immikkoortoq tamakkiisoq I-imi aalajangersakkat nutaat nassuiaasersorneqarput aammalu immikkoortoq III-mi aalajangersakkat atuutilersinneqarlutik, kommunimut pilersaarummut tapiliussami 1C4-2-mi atuuttumi nassuiaatigineqarsimasut. Kommunimut pilersaarummut tapiliusseq 1C4-3-p taamaalilluni kommunimut pilersaarummut tapiliusseq 1C4-2 taarsissavaa.

Kommunimut pilersaarummut tapiliusseq, 1C4-3 Sipisaaq Avannarleq, Nuuk, sapaatip-akunnerini arfinilinni tusarniaassutigineqarnerata kingorna politikkikkut inaarutaasumik aalajangiiffigisassanngorlugu ingerlateqqinneqarpoq. Piffissami tusarniaaffiusumi tusarniaanermut akissuteqaatit marluk tiguneqarput, taakkulu allannguuteqartitsinermik kinguneqanngillat, tamanalu llanngussaaq 1-imi takuneqarsinnaavoq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut 1C4-3, Sipisaaq Avannarleq, Nuuk akuersissutigineqassasoq
- siunnersuut akuerisaaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- Aningaasaqarnermut Inuussutissarsiornermullu Ataatsimiititamut suliaq ilisimatitsissutitut Kommunalbestyrelsimut ingerlateqqinneqassasoq.

### **Suliassamik saqqummiussineq**

Kommunimut pilersaarummut tapiliusseq 1C4-3 Sipisaaq Avannarleq siunnersuutitut sapaatip-akunnerini arfinilinni tusarniaassutigineqarpoq. Piffissami tusarniaaffiusumi tusarniaanermut akissuteqaatit marluk tiguneqarput. Taakkua arlaannaalluunniit kommunimut pilersaarummut tapiliussamut iluarsiiissuteqarnissamut allannguuteqarnissamulluunniit pissutissiingillat.

Nuup alliaartornera ilutigalugu inissiaqarfiit eqiternissaannut pisariaqartitsineq annertusiartorpoq, kiisalu sukisaarsarfiit aqqaataa illoqarfiullu immikkoortuini illoqannginnersat illoqarfiup innuttaanut tikeraavinullu nuannaarutaasussamik qulakkeerneqarnissaat pitsanngorsarnissaallu pisariaqarluni.

Sanaartorfissaq B-299-p illoqarfiup ineriartortinnissaanut atatillugu immikkoortup ilaa 1C4-mut tunngatillugu ingerlatsiviup kommunimut pilersaarummut tapiliussassatut siunnersuut suliarivaa. Taamaalilluni sumiiffiup siunissami illoqarfiup qeqqatut ineriartortinnissaa nassuiaatitalerneqarpoq. Ineriartortitsineq pissaaq kommunip Illuliortaatsimut politikkia aammalu kommunimut pilersaarut Sermersooq 2028 aallaavigalugit.

Kommunimut pilersaarummut tapiliussassatut siunnersuummi 1C4-3-mi immikkuualuttoq I-imi sukumiisumik aalajangersakkat nassuiaatigineqarput, taakkua kommunimut pilersaarummut tapiliussami atuuttumi 1C4-2-mi taamaallaat immikkuualuttoq III-mut sukumiisumik aalajangersakkat nassuiaatigineqarlutik. Sanaartorfissat nutaat 9-t atugassiisutigineqarput tassani sanaartorfissat 1-6 immikkuualuttoq I-imi inissisimallutik taavalu sanaartorfissat 7-9 immikkuualuttoq III-mi inissisimallutik.

Sanaartorfissani nunaminertamik atuinissamik akuersissutit pioreersut annikitsunik allilernissaat periarfissaqassaaq, peqatigitillugulu portussutsikkut eqiterisoqarnissaanut periarfissaqalissalluni, taamaalilluni Aqqusinersuup tungaanut sanaartukkat sisamanik quleriillit sananeqarsinnaallutik. Aqqusinersuaq sinerlugu tamanit aqputigineqarnerulernissaa anguniarlugu inini allerni inissianik sanaartortoqassanngilaq, aammalu inini allerni iikkat 50 %-ii igalaatut suliarineqassallutik.

Siunnersuummi aalajangiusimaneqarpoq, immikkuualuttoq II-mi sanaartukkat marlunnik quleriillit tikillugit sananeqarsinnaasut, Noorlernut aamma Sipisaq Avannarlermut tungaanut ilaqutariit illuinut pukkinerusunut killeqarfilerlugu.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup nalilerpaa, kommunimut pilersaarummut tapiliussakkut sumiiffiup siunissami illoqarfiup qeqqatut ineriartortinneqarnissaa qulakkiissagaa, sumiiffimmi atuuffiit aallaavigalugit. Akunnittarfissap HHE Express-ip maannakkut sananeqarneratigut, siunnersuummi periarfissiisutigineqartutut Aqqusinersuup tungaanut eqiterisoqalissaaq.

Eqiterinermi Aqqusinersuup tungaanut aqput ataqatigiinnerulissaaq, illut saqqai soqutiginarut aammalu pisuinnarnut pitsaasunik aqquteqalersitsinissaaq. Peqatigitillugu kujammut illut pukkiartortinneqassapput, taamaalilluni ulluklut illorsuarni taakkulu silataanni qaamaneqarluarniassammat. Kujammut illut pukkiartortinnerisigut Noorlernut Sipisaq Avannarleq-mullu illut sinerlugit ataqatigiinnerunermik pilersitsissaaq. Taamaalilluni aamma Aqqusinersuarmi aammalu "Oqaluttuarisaanermut Attuumassutilik"-mi takusassat ersarissarnissaat kiisalu Nuup nangittumik ineriartortinneqarnissaanut ataatsimoortunik portusuunik illuliortoqarsinnaanissaanut pilersitsinissaaq siunniunneqarluni.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussap suliarineqarnera immi aningaasatigut kinguneqartitsinngilaq.

#### *Inatsisitigut tunngavissaq allakkallu tunngaviusumik uppernarsaatitalit*

Pilersaarusiorneq aamma nunaminertat atorineqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-meersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

### *Ingerlariaqqinnissaq*

Kommunimut pilersaarummut tapiliusseq kommunalbestyrelsimit inaarutaasumik akuerineqareerpat, nunaminertamik atuisinnaatitaasoq, aalajangersakkat atuuttut malinneqarpata, isaterinissamut kingornalu nutaamik sanaartornissamut qinnuteqarsinnaavoq.

Kommunimut pilersaarummut tapiliusseq kommunimut pilersaarutitut nittartakkami [www.sermersooq2028.gl](http://www.sermersooq2028.gl)-imi tamanit pissarsiarineqarsinnaavoq.

### **Aningaasaqarnermut Allatseqarfimmit oqaaseqaatit**

Soqanngilaq

### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussatut siunnersuut piffissami 10.07.2019-imiit 04.09.2019-ip tungaanut sapaatip akunnerini arfinilinni tamanut tusarniaassutigineqarpoq, tusarniummullu akissutit marluk tiguneqarput. Taakkua arlaannaalluunniit kommunimut pilersaarummut tapiliussamut iluarsiiisuteqarnissamut allannguuteqarnissamulluunniit pissutissiingillat.

### **Ingerlatsivinnit allaniit oqaaseqaatigineqartut**

Soqanngilaq

### **Siusinnerusukkat aalajangerneq**

*Sanarfinermut Avatangiisinullu Ataatsimiititap ulloq 3. juuni 2019-imi aalajangernera:*  
Inassuteqaat akuerineqarpoq

*Aningaasaqarnermut Inuusutissarsiornermullu Ataatsimiititap 27. juuni 2019-imi aalajangiinera:*  
Inassuteqaat akuerineqarpoq

*Kommunalbestyrelsip aalajangernera 27. aggusti 2019:*  
Inassuteqaat akuerineqarpoq

### **Ilanngussat**

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliusseq 1C4-3, Sipisaq Avannarleq, Nuuk

# **Punkt 05E: Inaarutaasumik aalajangiineq - Kommunimut pilersaarummut tapiliusseq 1C24-3 Nuukullak Manngua, Nuuk**

## **Beslutning**

Immikkoortoq kinguartinneqarpoq

## **Bilag**

Ilanngusseq 1 - Kommunimut pilersaarummut tapiliusseq 1C24-3 Nuukullak Manngua, Nuuk

## **Kommunimut pilersaarummut tapiliussaq 1C24-3 Nuukullak Manngua, Nuuk**

Inaarutaasumik aalajangiineq

Aalajangiiffigisassaq

J.nr: 16.03.01.01-P16-6-19

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussassatut siunnersuut 1C24-3 Nuukullak Manngua, Nuuk, kommunimut pilersaarummut tapiliussareersup 1C24-2 iluarsissutigivaa.. Siunnersuummi sanaartorfissianut pingasunut nunaminertat inissisimaffii ilusilerneqarput aamma immikkoortumi sanaartukkat annerpaamik portussusii allanngortinngikkaluarlugit quleriit amerlineqarsinnaanerini akuersissuteqarpoq.

Kommunimut pilersaarummut tapiliussap, 1C24-3 Nuukullak Manngua, Nuuk, sapaatip-akunnerini arfinilinni tusarniaassutigineqarnerata kingorna politikikkut inaarutaasumik aalajangiiffigisassanngorlugu ingerlateqqinneqarpoq. Piffissami tusarniaaffiusumi tusarniaanermut akissutinik tigusaqartoqanngilaq, taamaasilluni allannguuteqartitsinissamut tunngavissiisoqanngilaq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1C24-3, Nuukullaap Manngua, Nuuk akuerineqassasoq
- pilersaarummut tapiliussaq akuerisaq Aningaasaqarnermut Inuussutissarsionermullu Ataatsimiititamut akuersissutigisassanngorlugu ingerlateqqinneqassasoq
- Suliaq Aningaasaqarnermut Inuussutissarsionermullu Ataatsimiititamit Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Kommunimut pilersaarummut tapiliussaq 1C24-3 Nuukullak Manngua, Nuuk siunnersuutitut sapaatip akunnerini arfinilinni tusarniaassutigineqarpoq. Piffissami tusarniaaffiusumi tusarniaanermut akissuteqaatinik tigusisoqanngilaq. Taakkua arlaannaalluunniit kommunimut pilersaarummut tapiliussamut iluarsissuteqarnissamut allannguuteqarnissamulluunniit pissutissiinngillat.

Immikkoortup ilaa 1C24 pillugu soqutigisaqatigiinnit saaffiginnissuteqarneq tunngavigalugu Sanarfinermut Avatangiisinullu Ingerlatsiviup kommunimut pilersaarummut tapiliussaq pioreersoq 1C24-2 iluarsissuteqarfigivaa.

Iluarsiissuteqarnermi sanaartorfissiat 1, 3,1 aamma 3,2 nunaminertartaasa inissisimaffiat iluarsineqarpoq, sanaartorfioreersumut ungasissusissaritinneqartoq naammassiumallugu kiisalu

atassuseqaasersuutit matorussat qaavini sanaartortoqannginnissaa pillugu. Sanaartorfissiani 1-imi aamma 2-mi quleriit amerlanerpaaffigisinnaasaat 6-imiit 7-inut amerlineqarput, taamaattorli sanaartukkat portussusissaattut akuerineqartut kote 46,5 aamma 44,5 allanngortinnagit.. Sanaartorfissiani 3,2-mi quleriit amerlanerpaaffigisinnaasaat 3-miit 4-mut amerlineqarput, tassanilu portussusissaq akuerisaq kote 28-miit 35-mut allanngortinneqarluni. Tamanna pivoq sanaartorfissiami sanaartorfissap annikillisimanera tunngavigalugu.

Taamaalilluni Kommunimut pilersaarutissatut siunnersuut 1C24-3 aqutigalugu immikkoortup qiterisaqarfimmi siunertat, pisiniarfiit, inuussutissarsiuteqarfiit mingutsitsinngitsut, pisortaqarfinnut siunertat kiisalu inissiat, tamaani suliqulakkeerneqassapput.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsivimmit nalilerneqarpoq, kommunimut pilersaarutissatut siunnersuummi allanngutit annertuut taaneqarsinnaanngitsut, immikkoortumimi sanaartukkat portussusissaattut piumasarineqartoq allannguiffigineqassanngimmat. Ungasissusissartinneqartup malinneqarneratigut immikkoortup sanaartukkanut ataatsimut atorneqarnera pitsaasumik kinguneqartissavaa.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussap suliarineqarnera immi aningaasatigut kinguneqartitsinngilaq.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma Inatsisartut inatsisissaat nr. 34, 9. december 2015-imeersoq Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussaq kommunalbestyrelsimit inaarutaasumik akuerineqareerpat, nunaminertamik atuisinnaatitaasoq, aalajangersakkat atuuttut malinneqarpata, isaterinissamut kingornalu nutaamik sanaartornissamut qinnuteqarsinnaavoq.

Kommunimut pilersaarummut tapiliussaq kommunimut pilersaarutitut nittartakkami [www.sermersooq2028.gl](http://www.sermersooq2028.gl)-imi tamanit pissarsiarineqarsinnaavoq.

#### **Aningaasaqarnermut Allatseqarfimmit oqaaseqaatit**

Soqanngilaq

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussatut siunnersuut piffissami 10 7 2019 – 04 9 2019-ip tungaanut sapaatip akunnerini arfinilinni tamanut tusarniaassutigineqarpoq, tusarniaammullu akissutik tiguisoqanngilaq. Taamaattumik kommunimut pilersaarummut tapiliussamut iluarsisuteqarnissamut allannguuteqarnissamulluunniit pissutissiinngillat.

## **Ingerlatsivinnit allaniit oqaaseqaatigineqartut**

Soqanngilaq

### **Siusinnerusukkut aalajangerneq**

*Sanarfinermut Avatangiisinullu Ataatsimiititap ulloq 08. aggustii 2019-imi aalajangernera:*

Inassuteqaat akuerineqarpoq

*Aningaasaqarnermut Inuussutissarsiornermullu Ataatsimiititaq 19. aggusti 2019-imi aalajangiinera:*

Inassuteqaat akuerineqarpoq

*Kommunalbestyrelsip aalajangernera 27. aggusti 2019:*

Inassuteqaat akuerineqarpoq

### **Ilanngussat**

1. Kommunimut pilersaarummut tapiliussaq 1C24-3 Nuukullak Manngua, Nuuk

## **Punkt 6: Taasariaqartut allat**

## **Punkt 7: Suliat matoqqasut**

### **Beslutning**

Soqanngilaq

## **Punkt 07A: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.31